



JU „DIREKCIJA REGIONALNIH CESTA USK-a“

Broj: 01-05-165-2/19
Datum: 27.2.2019.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 26. Pravila Javne ustanove Direkcija regionalnih cesta Unsko-sanskog kantona ("Službeni glasnik US kantona", broj 21/1, 4/13 i 17/16 i broj 01/NO-05-5-9/11 od 8.5.2018.godine), Zaključka Vlade Unsko – sanskog kantona broj 03-017-55/2019 od 22.1.2019.godine, Odluke o utvrđivanju standarda i kriterija za izbor kandidata na pozicije predsjednika i članova Nadzornog odbora JU "Direkcija regionalnih cesta Unsko – sanskog kantona" Bihać, Vlade Unsko – sanskog kantona broj 03-017-911/2017 od 28.4.2017.godine i Odluke o raspisivanju javnog oglasa za izbor i konačno imenovanje predsjednika i članova Nadzornog odbora privremenog Nadzornog odbora broj 01/NO-05-29-1/19 od 22.2.2019.godine, objavljuje se

JAVNI OGLAS ZA IZBOR I KONAČNO IMENOVANJE PREDSEDNIKA I ČLANOVA NADZORNOG ODBORA JU DIREKCIJA REGIONALNIH CESTA USK BIHAĆ

I. Opis pozicije

Nadzorni odbor nadležan je da:

- donosi Pravila Direkcije na koje saglasnost daje Vlada USK,
- donosi godišnji Program rada Direkcije i prati njegovo izvršenje na koji daje saglasnost Vlada USK,
- vrši korekciju pojedinih stavki rashoda iz Programa rada Direkcije u iznosu od 10% odobrene vrijednosti,
- daje saglasnost direktoru Ustanove, odnosno licu ovlaštenom za zastupanje za pokretanje konkursne procedure za imenovanje direktora Ustanove,
- imenuje komisiju za izbor direktora Ustanove,
- nakon provedene procedure predlaže imenovanje direktora Vladi USK,
- Vladi USK predlaže razrješenje direktora Direkcije,
- donosi finansijski plan i završni račun Direkcije na koji daje saglasnost Vlada USK, usvaja izvještaj o radu i finansijskom poslovanju i podnosi ga Vladi USK,
- donosi Plan javnih nabavki,
- analizira izvještaj o poslovanju Ustanove,
- u obavljanju nadzora nad upotrebom sredstva za rad, pregleda godišnji Izvještaj o poslovanju i godišnji obračun,
- pregleda i provjerava urednost i zakonitost vođenja poslovnih knjiga,
- izvještava osnivača i direktora o rezultatima nadzora i upravljanja,
- u personalnim poslovima u kojima ne odlučuje, odlučuje kao drugostepeni organ,
- donosi program rada Nadzornog odbora,
- donosi Pravilnik o radu na koji daje saglasnost Vlada USK,
- usvaja Poslovnik o radu Nadzornog odbora,
- donosi druga opća akta Direkcije u skladu sa zakonom,
- odlučuje o ostalim pitanjima koja nisu data u nadležnost direktoru Direkcije ili nekom drugom organu.

Predsjednik Nadzornog odbora Direkcije:

- saziva sjednice, predlaže dnevni red i predsjedava sjednicama,
- potpisuje odluke i druge akte donesene na sjednici Nadzornog odbora,
- stara se o primjeni Pravila, drugih općih akata i Poslovnika o radu Nadzornog odbora,
- stara se o blagovremenom izvršavanju programa rada Nadzornog odbora,
- stara se o ostvarivanju saradnje Nadzornog odbora Direkcije sa Zakonodavnim tijelom Kantona, Vladom Kantona, resornim ministarstvom i drugim organima i organizacijama,
- reguliše službena putovanja direktora Ustanove,
- vrši i druge poslove određene Pravilima, Poslovnikom o radu Nadzornog odbora i drugim općim aktima Direkcije.

II. Opći uvjeti

Kandidati su dužni da ispunjavaju sljedeće opće uvjete:

1. da je državljanin Bosne i Hercegovine,
2. da je stariji od 18 godina, a mlađi od 65 godina na dan imenovanja,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 (tri) godine prije dana objavljivanja upražnjene pozicije,
4. da se na njega ne odnosi član IX. I. Ustava Bosne i Hercegovine,

5. da nije osuđivan za krivično djelo ili privredni prijestup, niti da se protiv njega vodi krivični postupak,
6. da mu pravosnažnom presudom suda nije zabranjeno obavljanje aktivnosti za poziciju na koju aplicira,
7. da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija u smislu člana 5. Zakona o sukobu interesa u institucijama vlasti u Federaciji Bosne i Hercegovine,
8. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
9. da nije direktor ili lice ovlašteno za zastupanje Direkcije,
10. da nije u sukobu interesa, u ličnom ili profesionalnom odnosu u Direkciji,

III. Posebni uvjeti

Pored općih uvjeta kandidat za predsjednika i člana Nadzornog odbora mora ispunjavati i sljedeće posebne uvjete:

- visoka stručna sprema, i to: dipl.ing.saobr., dipl.ing.građ., dipl.ing. mašinstva, diplomirani inženjer arhitekture, dipl. pravnik ili dipl. ekonomista sa najmanje četiri godine radnog iskustva nakon sticanja visoke školske spreme ili
- viša školska sprema, i to: ing.saobr., ing.građ., ing.mašinstva, ekonomista ili pravnik sa najmanje šest godina radnog iskustva nakon sticanja više stručne spreme.

Prilikom procjene kvalifikacije i iskustva pored općih i posebnih uvjeta uzeće se u obzir i sljedeći kriterij:

1. sposobnost za savjesno, odlučno, odgovorno i profesionalno obavljanje upražnjene pozicije,
2. izražena individualnost, inicijativnost, nezavisnost u radu, nepristrasnost u donošenju odluka,
3. komunikacijske i organizacijske sposobnosti,
4. znanja i sposobnosti razumijevanja poslovnih izvještaja, poznavanje privrednog prava i ukupnog zakonodavstva na području djelovanja nadzornog odbora, korporativnog upravljanja i strategije poslovne etike,
5. sposobnost upravljanja finansijskim i ljudskim resursima i sklonost timskom radu,
6. rezultati rada ostvareni tokom karijere.

IV. Sastav i mandat Nadzornog odbora

- Nadzorni odbor ima 5 (pet) članova, a čine ga:
 - dva člana – iz reda osnivača
 - dva člana – javnim oglašavanjem
 - jedan član iz reda zaposlenih u Direkciji
- Članovi Nadzornog odbora Direkcije imenuju se na period od četiri godine od dana konačnog imenovanja i mogu biti ponovo imenovani, ali ne više od dva puta uzastopno.

V. Potrebna dokumentacija

Prijava na javni oglas treba da sadrži kratku biografiju (CV), adresu i kontakt telefon.

Uz prijavu se prilaže sljedeća dokumentacija:

- uvjerenje o državljanstvu,
- izvod iz matične knjige rođenih,
- kopija lične karte,
- potvrda o prebivalištu (CIPS),
- uvjerenje da se ne vodi krivični postupak (ne starije od tri mjeseca),
- uvjerenje o nekažnjavanju (ne starije od tri mjeseca),
- ovjerena izjava o ispunjavanju općih uvjeta iz tačaka 3., 4., 7., 8., 9. i 10.,
- diploma o stečenoj stručnoj spremi,
- dokaz o radnom iskustvu nakon sticanja visoke, odnosno više školske spreme (uvjerenje nadležne porezne uprave ili nadležnog zavoda/službe za penzijsko i invalidsko osiguranje ili potvrda poslodavca),
- dokazi o ispunjavanju ostalih posebnih uvjeta iz tačke III ovog Javnog oglasa,

Sva naprijed navedena dokumentacija predaje se u originalu ili ovjerenoj kopiji, u suprotnom smatrat će se da je dokumentacija nepotpuna.

VI. Razmatranje prijave i uži izbor

Komisija za izbor pregledat će sve prijave koje stignu u propisanom roku, te će na osnovu principa iz člana 3. Zakona o ministarskim, vladinim i drugim imenovanjima Federacije Bosne i Hercegovine i kriterija za imenovanje sastaviti listu s užim izborom najboljih kandidata koji ispunjavaju kriterije za imenovanje.

Komisija za izbor poziva sve kandidate koji su ušli u uži izbor na intervju.

VII. Konačna imenovanja nakon intervjuja

- Nakon intervjuja i na osnovu u potpunosti dokumentovanih odluka svakog člana komisije, komisija za izbor će putem pisane preporuke predložiti rang – listu sa najboljim kandidatima Vladi Unsko – sanskog kantona na daljnje razmatranje.
- Konačna imenovanja se odmah objavljuju u "Službenim novinama Federacije BiH".

VIII. Prigovori

- U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ili postupci nisu ispoštovani, zainteresirana stranka, može podnijeti prigovor na konačno imenovanje u skladu sa odredbama Zakona.
- Prigovor se podnosi Vladi Unsko – sanskog kantona, a kopija se dostavlja Ombudsmenu za ljudska prava Bosne i Hercegovine.

Javni oglas ostaje otvoren 15 (petnaest) dana od dana objavljivanja u dnevnom listu "Dnevni list" Mostar i "Službenim novinama Federacije BiH".

Rok za podnošenje prijava na javni oglas računa se od dana zadnje objave.

Prijava sa potrebnom dokumentacijom se dostavlja lično ili preporučenom pošiljkom u zatvorenoj koverti na adresu:

Vlada Unsko – sanskog kantona


Komisija za izbor i imenovanje

Alije Đerzeleza 6, 77 000 Bihać

sa naznakom:

"Prijava na javni oglas za izbor i konačno imenovanje predsjednika i članova
Nadzornog odbora JU Direkcija regionalnih cesta USK Bihać
- ne otvarati -".

Neblagovremene i nepotpune prijave neće biti uzete u razmatranje.



v.d. direktora

Senad Dizdarić